



Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

§. 3. Differenda Absolutio, quamdiu adest probabilis metus, ne relabatur.

urn:nbn:de:hbz:466:1-37059

§. 3.

D I F F E R E N D A A B S O L V T I O ,
quamdiu adest probabilis metus, ne relabatur.

PROBABLIS autem? obsecro vos Trium-Viri, sic derepente à vestra illa certitudine ad probabilitatem degeneratis? aut ex quo tempore ex ore vestro probabile ego audio? & quæ hæc varietas? ad Absolutionem dandam moralis requiritur certitudo de debita Pœnitentis dispositione; ad negandam probabilis metus sufficit de relapsu. Cur aut ea probabilitas ad dandam non sufficit, quæ sufficit ad negandam? aut cur ad negandam non postulatur, quæ ad dandam requiritur, talis ac tanta certitudo? Rem acu facile tanget, qui Vergeriani in Gallia conventiculi adhuc meminerit; quibus enim propositum est Sacramenti usum, quibus possint, aggravare oneribus, ut suâ ipsi sponte tanta pondera fideles excutiant, quid mirum, si certitudinem exigant, dum probabilitas alleviaret, & dum alleviaret certitudo, tum probabilitatem amplectantur: sibi nempe in suo proposito constant, & qui nil nisi onera querunt, ut de certitudine ac probabilitate hic & nunc statuant, utra hic & nunc onerosior sit attendunt. Hæc satis ad enodandum hoc ænigma, nunc eorum placita audiamus.

Agmen ducat P. Ægidius, si forte ejus nomen tot censuris illustre ad doctrinæ hujus commendationem facere possit.

Y

In

In morali diabol. pag. 136. & quamvis tales cum con-
fitentur essent VERE CONTRITI & APUD DEUM JUSTIFI-
CATI , nos qui de externis tantum judicamus , eos de lege
ordinaria . . . ABSOLVERE NON POSSUMUS , nisi . . . instar
bonorum medicorum PRÆCAVEAMUS IPSORUM RELAPSUM
PER PLENAM VULNERUM CURATIONEM : subdit immediatè
in correctâ Romæ , & ibidem tamen damnata morali
tutio pag. 125. non quidem sic , ut sit obdueta cicatrix ,
sed ut absit morale periculum (ad eoque & probabilis
timor) proximi relapsus in consueta crima. Et in utroque
libro §. 46. hanc primam præscribit regulam : non absoluere
eos , qui constanter peccato , ejusque commercio non valedi-
cunt , nec remedia adhibere volunt contra vomitum suum ;
hactenus Catholicè (nisi sub ly constanter virus aliquod
lateat) Si sic Ægidi dixisses omnia , laureatus nobis poteras
redire Româ , non fulminatus ; quinimo licet hæc (pec-
cato ejusque commercio se constanter valedicturos &
remedia adhibituros contra vomitum) polliceantur : tamen
*Confessario PROBABLEM FACIUNT METUM, NE CONTRARIUM
CONTINGAT.* Imo nec polliceantur hæc tantum , sed revera
verè contriti sint , & apud Deum justificati , ut jam jam dice-
bat. Tum S. Caroli verbis suam regulam stabilit , & iis
ipsis , quæ & in Macario , & in Gummaro repetita inve-
nio , ut tanto similiores inter se esse convincantur , quod non
dogma modo , sed & dogmatis fundamenta non tam ex
se mutuo , quam ex communi Magistro Vergerio per Scho-
lasti-

ET INFELIX CONCORDIA. 171

lasticam quandam, ut inter unius Magistri discipulos accidit, æmulationem avidè descripserint: sic enim ille eos docet parte 2. cap. 38. cui hic præfigitur titulus *Quatrième Regle de S. Charles, que les Confesseurs ne doivent point absoudre ceux, qu'ils jugent PROBABLEMENT DEVOIR RETOMBER dans leurs pechez, quelques promesses, & quelques protestations qu'ils fassent, de ne les plus commettre, & ita orditur, mais considerons la dernière Rule de ce S. Prelat, qui nous fera voir encore plus clairement que toutes les autres, LE GRAND NOMBRE de personnes, auxquelles les Prêtres SONT OBLIGEZ de differer l' Absolution, pour ne point abuser de leur ministere : tum adfert verba S. Caroli ; quæ ad marginem Italicâ, ut S. Carolus ea scripserat, linguâ expressa citat, ut mirari adeò non debeamus, undè in præfatione Apologetica Italus nobis factus sit Gummarus; qui verba Caroli Italicè citet; potuit scilicet, quantum ad propositum satis erat, à suo Magistro didicisse hic Italicè loqui; poterit alibi, si usus ferat, discere græcè, nam & PP. Græcorum verba Græcè item citata passim in margine video: Romanè certè loqui ex eo libro hactenus non didicit; an discet aliquando? probabilis enimvero hic metus est. Sed de Gummaro mox.*

Macarius totam Patrum quam corradere potuit, autoritatem ad hoc ipsum dogma stabilicendum adhibet pag. 225. 226. 227. 228. 229. hic longo ordine Bernardum videas Ambrosium, Anselmum, Augustinum, Tertullianum, Isidorum, Hironymum, Gregorium, Eligium. Hui!
Y 2 quis

quis non vivam SS.PP. Bibliothecam Macarium credat? at scimus nempe, nec obscurum est, unde ea loca PP: liberaliter desumpserit, & satis quidem commodè; per varios errare libros necesse non habuit; in uno Vergerio (in hoc ferè uno SS.PP. legunt Trium-Viri) invenit omnia, & uno ferè exscripsit ex capite 39. partis 2. hæc maximè urget ex Patribus : *irrisorem esse, non pænitentem, qui adhuc agit postea, quod ante pænituit; pænitere esse anteacta ftere, & deflenda non committere; hominem digne agere pænitentiam, qui præterita peccata plangit, & iterum plagenda non committit, pænitentiam vanam esse, ubi emendatio nulla est:* quæ omnia si tu non ad tui cerebri phantasiam, quod temerarium sit, sed ad mentem Angelici Doctoris (cujus inconcussa, tutissimaque dogmata Lovaniensi Academiæ Commendat ALEXANDER VII.) fideliter interpretere, & cum eo 3. p. q. 84. a. 10. ad. 4. contendas, dicendum, quod pænitere est ante-acta ftere, & flenda non committere, simul dum flet, vel actu vel proposito. Ille enim est irrigor, & non pænitens, qui simul dum pænitet, agit quod pænitet, vel proponit iterum se facturum quod gessit, vel etiam actualiter peccat eodem vel alio genere peccati. Quod autem aliquis postea peccat vel actu vel proposito, non excludit, quin prima pænitentia vera fuerit; numquam enim veritas prioris actus excluditur per actum contrarium subsequentem. Sicut enim verè cucurrit, qui postea sedet, ita verè pænituit, qui postea peccat. Reponit confidenter tyro Theologus pag. 228. verum
hæc

hæc (in D. Thoma) explicatio SS. PP. valdè est contorta. Risum teneamus amici: D. Thomas, cuius doctrinam, ut ipse Macarius fatetur pag. 5. merito maximis eloqii integræ scholæ, Facultates Theologicæ, imo & Summi Pontifices condecorarunt, approbarunt, & commendarunt, Sanctos PP. contortè explicat; Macarius primæ lanuginis magistellus genuinum eorum & legitimum sensum assecutus est; adeste Thomistæ & Angelicum vestrum Doctorem ab inepta juvenis injuria vindicate: & quod sciatis, sententiam in se ipse imprudens jam ante tulit in Tyrocin. pag. 5. qui enim Scholasticos, quod se & sua placita SS. PP. Oraculis præferri (ut ipse calumniose singit) velint, verè ibi bubones & noctuas esse dicit respectu Aquilarum illarum, Ambrosii Augustini &c. quam honestum sibi ipse nomen fecerit, qui se vestro simul & Ecclesiæ Doctori non obscurè præposuit, non dicam, at Thomam vestrum inter Aquilas istas merito numerandum esse, hoc dico.

Eâdem nave cum P. Gabriëlis & D. Macario navigat Gummarus, & ad eundem portum non satis felicibus avibus, & remis Vergerianis properat tract. i. q. 3. pag. 49. & seq. ac primò quidem Verba præmittit S. Caroli, quæ & in P. Gabriëlis, & Vergerio legimus: *est præterea consultum Absolutionem differre, donec evidens appareat emendatio in iis, tametsi dicant ac pollicentur, quod se eximent peccato, tamen Confessario probabilem faciunt metum, ne contrarium contingat.* Non favebat Carolinum istud consultum est, quod

quod consilii potius videretur esse , quam præcepti , & ad-
verterat id Adversarius ejus Carolus Reymakers ; occurrit
ergo huic objectioni in præfatione Apologetica ad tract. 3.
& dum hic audis inquit , vocem CONSULTUM , ne propterea
æstimes S. Carolum significatum voluisse , quod istud non sit
præcepti , sed consilii tantum. Debet ergo , si Gummaro
credas , nec tantum potest Confessarius Absolutionem
Sacramentalem differre , quamdiu probabilis remanet de
relapsu timor ; etiam illi (quod profecto mirere lector)
quem hic & nunc ritè contritum , bene ad Sacramentum
dispositum , & ad Deum verè conversum non probabiliter
modo judicat , sed morali certitudine perspectum habet.
Facile illud conficias ex pag. 49. ubi causam hujus metus
probabilis non hinc modo proficiisci dicit quod Confessario
non satis exploratus sit status Pœnitentis circa peccata præ-
terita , hoc est non satis innotuerit (debet autem ex ejus
mente innotescere moraliter certo) dolor sive detestatio
peccati commissi; sed ALIUNDE etiam metum hunc manare ,
quod periculum scilicet denuo labendi persentiscat , idque
aliunde , quam ex eo quod non sit satis explorata præsens
pœnitentis dispositio; tum etiam ex pag. 58. ubi sic sibi obji-
cit : Verum reponat quis Pœnitens non erit verè conversus ,
vel erit : si prius , dictum potius oportuit quod propter absen-
tem debitam conversionem sit differenda ; si posterius (nempe
si verè conversus erit) differri nequit , quod nullam verè con-
versis utilitatem pariat Absolutionis dilatio ; & respondet
pag.



pag. 59. quod ad primam objectionis partem attinet, adsentio: quid ad alteram respondendum, affatim docet experientia, negatque omnino multiplex dilationis utilitas, quam & VERE CONVERSUS inde consequitur. Tum pluribus multiplicem illam utilitatem exaggerat; sed eo ferè omnia recidunt; melius ita pœnitenti consultum iri, ne denuo relabatur; ridiculè, ut qui contra insultus Dæmonis, contra depravatam suam ipsius naturam, contra tam multiplices peccati illecebras fortiorum futurum sperat, si ipsius Sacramenti salutaribus gratiæ auxiliis destitutus in tot hostes pugnare cogatur. Nam quod ait, Sanctis eum interea exercitiis, quæ spiritualis medicus præscriperit, contra peccata munendum, id, ut Pontifici Maximo demonstrat Franciscus Simonis pag. 131. & melius obtinebitur datâ jam Absolutione, & efficacius, propterea quod ea pietatis exercitia specialem medicinæ vim ab ipso Sacramento habitura, & Deo gratiæ multò futura sint, quæ reconciliatus jam, & amicus Deo præstabit: videri potest hac de re latius, quam malè de adversaria factione, tam bene de Republica Christiana meritus, dictus Franciscus Simonis pag. 126. & seq.

Atque hinc sponte fluit alterum illud de Consuetudinariis Guimvari dogma, cuius tamen invidiam, si possit, excutiat; ne possit autem præter ea, quæ dicta superius sunt, facit hoc ipsum, quod habemus in manibus; si enim absolvere eum non liceat, cuius relapsus probabiliter time-

timetur, tam certum est Consuetudinariū absolvī non posse, nī exutā non voluntate modō, sed ipsā peccandi consuetudine, quam verū est non exutā illā consuetudine probabiliter Consuetudinarii relapsū timeri. Usque adēo cohærent inter se dogmata & quā semel ire cæpit Gummārus, hac constanter pergit; quamquam felicior esset hoc in genere īconstantia: qui enim semel à recta via deflexit, hoc magis errat, quo constantius pergit.

§. 4.

QUÆ HACTENUS DICTA SUNT
de differenda Absolutione, de eo etiam intelligenda, qui semel peccavit mortaliter.

HUc Trium-Virorum rationes, huc eorum similitudines & exempla, huc congesta importune Patrum, Scripturæque testimonia, huc denique eorum cuniculi pertinent: Longum esset prosequi omnia, specimina dēmus aliqua.

Praxim primitivæ Ecclesiæ suspirant, & accrescente iterum fidelium caritate ad pristinum rigorem velint revocatam: atqui non in Consuetudinarios modo aut recidivos, sed in unius etiam peccati mortalis reos suos Pœnitentiales Canones rigidè decreverat.

Prima, & principalis ratio, quæ movit SS. Patres,
(ait